

---

IZVJEŠTAJ O IZVRŠENIM ZAKLJUČCIMA SA XVII SJEDNICE UO UPFBiH

Vezano za zaključak za 2. tačku dnevnog reda sa 17. sjednice Upravnog odbora Udruženje poslodavaca u FBiH je svim članovima uputilo poziv da pripreme projekte vezano za održavanje Bussines Foruma u organizaciji BBI-a banke te da ih kandidiraju direktno organizatorima. Udruženje poslodavaca je konstatno u kontaktu sa predstavnicima BBI-a banke i članovima UPFBiH. Također je održan i sastanak sa predstavnicima Bussines Foruma koje smo obavijestili o svim gore navedenim aktivnostima. Sve aktivnosti vezano za dostavljanje projekata i učestvovanje na Bussines Forumu se direktno odvijaju u kontaktima između naših članova i predstavnika Bussines Foruma.

Vezano za tačku 5. održan je sastanak sa predstavnicima delegacije poslodavaca i sindikata na kojem je dogovoreno da sindikat predloži Protokol o vođenju pregovora za izmjene i dopune Općeg kolektivnog ugovora. Sindikat je sa svoje strane dostavio prijedlog Protokola na koje je Udruženje poslodavaca dalo svoje primjedbe i sugestije u kojima tražimo da rok za vođenju pregovora bude 90 dana umjesto 120 dana što je prijedlog sindikata. Također smo predložili da svaka organizacija Partner pri vođenju pregovora odredi svoju delegaciju koja će imati pismena ovlaštenja od svojih organa i tijela za vođenju pregovora.

Vezano za tačku 6. za pokretanje inicijative za poništenje važećeg kolektivnog ugovora, na sjednici ESV-a delegacija poslodavaca je predložila ovu inicijativu ali je dogovoreno da se do sljedeće sjednice održi sastanak, usvoji protokol o vođenju pregovora i pristupi pregovorima za izmjene i dopune Općeg kolektivnog ugovora.

Vezano za tačku 8. Udruženje poslodavaca je dalo podršku inicijativi Arcellor Mittala i hitno uputilo zahtjev Premijeru Mujezinoviću da pokrene inicijativu za ocjenu Ustavnosti Općeg kolektivnog ugovora. S tim u vezi od Premijera Mujezinovića smo dobili odgovor u kojem stoji da je postupio po našem zahtjevu te da se obratio Uredu za saradnju i zastupanje pred Ustavnim sudom Bosne i Hercegovine. U tom smislu postupajući po zahtjevu Ured za saradnju je odgovorio u smislu da Kolektivni ugovori po svojoj pravnoj prirodi nisu propisi čiju ustavnost može ocjenjivati Ustavni sud već ugovori. Kolektivni ugovori nemaju snagu zakona i ne donosi se po zakonskoj proceduri, predstavljaju izraz volje strana u postupku donošenja, te ni u kom slučaju ne mogu podlijetati ocjeni ustavnosti. Kada postoji suprotnost odredaba kolektivnog ugovora sa Ustavom i drugim propisima u takvim situacijama odlučuju redovni sudovi primjenom propisa obligacionog prava o ništavosti. Dakle, Ustavni sud odlučuje o ustavnim pitanjima koja mu predoči Vrhovni sud ili kantonalni sud a koja se pojave u toku postupka pred tim sudom. Dakle, Premijer Federacije BiH, nije ovlašten da postavi ustavno pitanje.

Vezano za ostale tačke dnevnog reda nije bilo obaveza.

Alija Remzo Bakšić